

嘉慶壬申年重校

璧湖草堂近集

殖學堂藏板

敘

天下名山不能盡遊遊名山者必不能窮其勝竊歎

名山大川所在都有峯巒洞壑之幽奇草木靈秀雲

霞風雨嵐煙嶂霧之變幻千態萬狀莫可殫述不幸

有二三桀剝或丹井遺蛻舊蹟或泉可酌溪可釣遊

者不自揣其濟勝之具有有限輒詡詡然曰觀止矣而

山之勝不能窮又不幸筆之於紀呀以詩不工者無

論工矣掛一二於千百而覽者遂謂山之勝僅如此

而山之勝愈不能窮譬之人富經綸懷忠孝倜儻非

常乃以能詞賦工詩遂僅目為騷雅者流而其人

真反以詩賦晦不亦悲乎予少讀劉同人帝京景物

畧愛之及讀余友吳萬子西山紀遊詩乃多發同人

所未發于是又歎世所稱名山大川未嘗無知已特

所遇有幸有不幸如萬子之詩西山亦復何恨耶萬

子為名孝廉制藝詩詞皆臻妙絕而其人則固所稱

富經綸懷忠孝倜儻非常者也而豈僅騷雅者流乎

世之君子欲深觀萬子之為人必有以得其真者請

自西山紀遊推之山陽同學弟張鴻烈題

白西山紀遊推之山陽同學弟張鴻烈題

雋湖直堂近集

西山紀遊草

一



覺湖草堂近集

高沙吳世杰厚軒著

同學諸子評

西山紀遊草

將欲窮極西山嶽崎幽曠瓌異之觀而不能遽

至也請自勝果寺始寺違西直門六十里山曰

陽臺地受朝旭故上巳後三日予策蹇行上人

景山導之景山天童四世孫卓錫茲山因寺久

圯啓闢之激泉疏土規畫井井入山由大覺寺

覺湖草堂近集

西山紀遊草

一

層折上寺倚山兩山曲抱之殘櫻繁李縮青縈

白遇曲澗掬漱之覺腸胃頓爲濯漑入寺坐有

軒中酌山泉遙望四山蒼翠蒙絡列嶂森起忽

與天際坐定卽循山前後披叢棘觀流泉坐奇

石淵然冷然心與境杳_{波瀾}念數月居京師獨

東華十丈塵困頓殊甚今由西直門策蹇紆廻

石路峻嶒齒齒然有截趾之勢徒步十餘里入

山寂坐竟不知疲則又何也

一結
淵永

遊勝果寺贈景山上人

駘蕩生春風。杖策出晴郭。馳暉接陰崖。風光浮廣莫。
迢迢登化城。鳥喧覆林薄。剔泉灌朱櫻。列石隱紅藥。
萬木被華滋。柔萋麗岑岬。睹此忽心賞。入山非寂寞。
四顧欲忘言。仰看雲際鶴。

摹謝漸
近自然

其二

結念青冥上。攀崖意彌敦。敦懷新餐墜。露攀異挹芳。蓀
天外歸鴻迥。階前芝草繁。揮塵指生公。精言清心魂。
繕性觀元化。習靜屏雜氛。與君共怡悅。趺坐白雲根。
宿勝果寺之明日。隔嶺晨鐘悠然入耳。起沐食

覽湖草堂近集

西山紀遊草

二

甫畢從山曲。斗折蛇行入大覺寺。寺多種李。周
旋花樹下。香露凝寒。千畦一白。步石橋。方池清
映。朱鱗魚數千頭。瑩瑩然若行空中。久之日光
下。垂陸離萬狀。幾與光敵。目若不能俯。瞰其底
寫景奇

焉。寺故西僧建。殿後一松如蒼龍攫挈狀。僧因

蔽屋角。去一幹。寺卽衰。最後爲清水院長老塔。

長老金時僧。興教仰山。旁有相相傳亦金時物。

而寺僧以百年答之。蓋忘所自始也。塔後爲山

泉。水濺濺從石龍口中出一。鑑泓滄日。月與俱

居人導之澤。蔬榮樹旁。及數千家。余坐卧其下。
溪毛如髮。深翠欲流。雲影天光。攬之曾不盈掬。
循泉流行。山迴石阻。苔磴溼滑。疑道窮。忽側徑。
灌朱櫻。排石入。謁古關。帝君廟。面臨丹巘。落花
如雨。下貯幽澗。中予徘徊其上。耳目既靜。空響
忽起。水隱隱鳴。山鳥振羽。幽幽鳴。松護護鳴。樵
夫牧豎。天籟鳴。異音同聽。聲疏響越。幾忘陰雲
布濩矣。亡何微雨下。仍覓石徑。歸勝果寺中。

幽情雋調
令人神往

覽湖草堂近集

西山紀遊草

三

龍泉歌

泉在大
覺寺後

行空山兮陰霞會。柏亭亭兮蔭車蓋。攀木末兮聊容
與。泉淙淙兮發天籟。素輪兮響玉珂。天光澄兮鑑
翠莎。雲澹蕩兮翔不下。金鱗忽兮逝。波濯吾纒。今山
之阿。擊空明兮浩歌。泉兮泉兮奈汝何。

通似
右丞

西竺廢寺

寺入荒林裏。殘英沒講堂。却疑花雨落。猶傍石壇香。
雀乳空梁。靜雲生圮殿。涼好將興廢。理欵曲問空王。
空山雨霽生。平不多觀。是日晨霽。卑枝浥露高。

柯沐日鳥語花淡。紛紅競碧。極目萬類。皆若蠟。
故呈新於戶庭之中。晚同景山。登青龍山。望碧
天霞宮。居峯頂。山北有石寨。于空際。露松景。昔人
避兵居之。景山云。是山後有石洞。繚曲往復。一
道士姓蘇。坐臥石上者數年。與人無多語。石几
列周易。叅同契。飲泉餐柏。淡如也。予亟欲往尋
之。徑險日落。不果往。歸來坐月下。啜茗清談。須
臾鐘定。各就寢。

錯落饒古致

雨霽

覽湖草堂近集

西山紀遊草

四

微雲生層巔。暮雨霏天闕。巖壑一以深。萬象俱超忽。
斯須霽清陰。了見山骨蒼翠疑不流。風泉靜欲發。
殊景共澄鮮。空際得疏越。寂歷生道心。清磬迴未歇。

青龍山歌

天風飄飄吹我裾。振衣直上雲棧孤。靈巖玉觀當前
趨。嵐光杳冥下山隅。下臨無極衆壑殊。衆壑陰森映
天闕。千村一片梨花雪。更疑空林踏月來。寒光逆落
生明滅。我向峯頭歌紫芝。東華紅塵那繫思。忽見山
陰松。景露云是昔人避秦處。雲中鷄犬定有無。明發

携筇傍巖去。

清曠似襄陽

由勝果寺至高公墳，凡六里，余偕錢子白門、鈕子玉樵、暨景上人，歷兩三峯，攀石牽蘿，然後至。至則松陰蒙密，晨光蔽虧，入門皆石室，其上刻鳳鏤螭，以及人物花木禽魚之狀，細大畢具。幾有桓司馬石槨之歎矣。及閱碑爲蘇門孫先生作，知公固忠臣也。公永清人，初名昇，侍明熹宗，講大學在明明德句，賜名時明，璫燬，退居避之，烈皇帝時，領內監，命票擬章奏，匍匐謝曰：天

甓湖草堂近集

西山紀遊草

五

下大事，閣臣五六員，自能辦。臣卽才票擬，不可出內庭，手況無才耶。且旨從中出，恐天下後世爲盛德累不細。帝善之，逆闖陷都城，公命其名。下李繼善等十人，輿棺中堂，臥其中，衆環泣。公笑曰：爾蓋棺我卽歸矣。蓋棺焚之，十人皆投火中死。賊敗後，其名下拾遺骸，燼中葬於此。嗟乎，逆璫肆虐，忠良摧殘，求完節於若輩，寧易得哉。弟鍾山松栢，摧爲薪矣。毅皇坏土，亦委荒煙蔓草中。公獨擅此佳城，想亦有戚然於中者耶。歸

途經圓通寺，頽垣斷壁，蒼蘚蝕碑，僧還真，飽霜
雪于此七年，問何食，曰聽其自至，否則休，問不
入城市，有定力否，曰余安知定力，但懶拙耳，語
沉氣寂，類有道者，啜茗數盃，嘆羨久之，然後去。

遊記中往往附見幽人義士不僅于水
石花鳥上刻畫方見卓犖有身分處

高公墳歌

神宗在御昇平久，光熹之際復何有，紛紜三案相因，
依艱危莫試補天手，節甫橫行，執天柄，膺滂上書，誅
奸佞，緹騎還同北寺哀檻車，孰掇南衙痛，就中內侍

璧湖草堂近集

西山紀遊草

六

誰最良，醇謹猶記高與王，謂王安呂疆善諍身先死，承

業知幾歸賜莊，烈皇嗣統澄朝旭，乾清舊侍仍當軸，
獨取心肝奉至尊，墨勅斜封暗煩感，那知蒼生恨未
平，赤舂銅馬薄都城，濯龍池畔悲笳起，丹鳳樓頭輦
鼓鳴，地維已絕天軸裂，鼎湖一去堪悲咽，總戎內侍

獨攀髯，謂王承恩與君同御軒，皇轍十人從死付寒灰，九

龍山側莖蒿萊，血凝石室土，花碧松蔭穹，碑鳥語哀

我來蔓草尋殘隴，行人指點忠純塚，崇禎賜君忠純圖篆夜雨

常看陰火青，高秋獨眺千峯拱，君不見石頭松檟摧

為薪茂陵。金益潛酸。辛莫將麥飯。冬青曲唱與悠悠。

泉下人

慷慨悲涼如聽白頭宮人談天寶遺事

目中不睹大河決。潑狀久是日山行。忽見渾河
泐泐從西北來。有奔騰千里之勢。予曲折行數
里。崖峭峰孤。谿徑側仄。下臨亂流。水與石戰。濤
聲怒嘯。飛崖上作雷雨聲。石逶迤以避之。則水
勝然數千百年來。大河湍流盡其奔騰。泐泐之
奇。而山巖若而石峻。峻若而水弱者。靡怒者。釋
不過侵其趾而止。則石又勝。亭約踵拊壁。行數

甕湖草堂近集

西山紀遊草

七

里至薦福山。入隆恩寺。寺內監張欽建。吾郡李
文定公碑記之。中以貪廉立說。知公意深遠也。
兩廊畫鬼神。金碧的燦。出門松陰夾道。遂至淨
德禪林。僧種竹百餘株。蒼翠欲滴。登高一望。大
河環流。山林明瑟。令人作遺世想。數日居勝果。
在山後。今始越嶺。達山前路。經仰山村。覓滴水
巖。以失導不及登。

奇境奇文。鄆鄉記中所未覩者

隆恩寺

薦福山頭隆恩寺。蒼松澗底龍作鱗。豐碑突兀蝕苔

鮮。畫。廊。間。寂。生。鬼。神。激。湍。縈。迴。發。紅。萼。陰。霞。森。蔚。覆。
青筠。更。上。峯。頭。捫。絕。壁。諸。天。真。與。白。雲。鄰。

香山玉泉，例爲遊西山者履齒所先。及予從山後行，越六日始達臥佛寺。蓋已紆折數山矣。寺後爲退谷，激泉流觴，傲蘭亭遺意。予由煙霞窟層折上，澗澗巨壑，下臨無際。予悚然，一路怪石懸崖，螭蹲鶴峙，清冷欲絕。予益悄然，又數折至廣泉寺，山勢直上，苦無泉。山上有蘭若，空洞幽森，多植佳花木于中。月下坐白石，擊竹而歌。奇。

鑿湖草堂近集

西山紀遊草

人

葩異卉，杼秀吐馨。冉冉襲衣裾，欣賞竟夕。幾不成寐。

諸記各具一結
搆不作雷同語

臥佛寺

津梁知已倦，高臥傍青山。猿下窺經古，雲歸度嶺閒。
野花隨意發，老樹足人攀。直欲尋源去，空明慰客顏。

退翁亭

退谷何年築，扶筇問野煙。越林摘青杏，臥石聽紅泉。
燕雀喧幽澗，松筠翳遠天。高亭空好在，誰並醉翁傳。
下廣泉寺，稍東爲五華寺，寺多種柿及櫻桃，深

澗臨其前，有一閣，憑虛結構，有俯聯萬里意。環顧兩山，合沓張左右。壁上有地迴當明月崖，懸斷綠蘿之句，則何侍御詩也。出寺下深澗，土人名之曰水盡頭。其水澌澌然從石罅出，遇石則擊。其水多落花，香積盤渦。小魚濺濺，石縫間其水計無所得，食以香爲餌。然風生花墮，魚輒驚伏焉。過宏教寺，至臥佛，瞻娑羅樹，葉七開，花九房，實三稜，蓋西域種也。翳日蔽月，幾歷年所，出寺趨香山，得其廣大敦穆狀，如麻城劉侗所云。

覽湖草堂近集

西山紀遊草

九

云然于山靈之性情尚渺乎不相接也。道玉泉不及登策，蹇歸京師，匆匆然以僕病故。

遊賞方酣

讀者正耽眺然以觀香山玉泉之勝，忽然斷冷極峭極，此種章法當于先秦求之。

五華寺和李儀部韻

我從廣泉來，南向五華寺。約躡拊顛崖，紆徐步屢易。凌虛躋鷲宇，天風颯然至。老樹蔽層巒，巖崖勢欲墜。長嘯萬壑趨，正襟古柏侍。下尋幽澗底，澄渚積深翠。遊魚細行空，繡藻明如織。谷深泉易聲，彷彿聞瑤吹。聽寂響復延，矚遠景忽異。冥搜萬象合，是中有天地。

咄嗟纓上塵徒爲曠懷累半偈空諸有于焉得真寄

遊也廣泉寺久廢吳僧自曉建精舍于上鑿泉

洞深半里許始得泉縷縷出斲山骨池之貯朱

魚其中密室窈窕軒窓面面開左植牡丹數十

株芍藥侍其右開軒望萬山蒼翠不出戶庭而

咸列于几筵之下寺多蜂僧釀蜜蜂之巨者王

王每出羣衛之花露初浣薄言采采生聚衆則

分刺人則法必死分蜂日必吉暗與時曆合僧

覽湖草堂近集

西山紀遊草

十

爲予言蜂房舊左右立中偶置新房則羣蜂率

其族竟日廻翔不敢居置之側乃安示不敢當

尊也啜山茗推物理塵思都盡是夕宿廣泉寺

中 狀微物小景亦古雅有法

宿廣泉寺

紺宇層霄上開軒列宿旁憑虛一以眺遠岫正蒼蒼

泉靜明魚藻花深隱蜜房支公今已逝 謂自曉上人 清聲

入雲涼

其二

新月涵疎影披襟坐石牀。風生櫻子落，霧溼橘花香。
精理思高，座齊心禮法。王緝塵真不到，仰視白雲翔。
遊西山者例至名刹輒止，否則山腰官閣止焉。
欲其披蒙茸，凌峻嶒，詰曲孤峯，上尋無際，以抒
其放曠寥廓之心，徃徃而鮮非力不足，亦時不
給耳。予宿廣泉寺，休力積時，欲尋西山絕頂，以
快登高望遠意。凡望不一時，登高望亦不一致。
朝望曠曠爾，夕望鬱乎蒼蒼爾，日中望光漾漾
爾，雨望濛濛爾，霽望森森爾，而于朝望爲宜。是

覽湖草堂近集

西山紀遊草

十一

日晨起，天空如洗，朝氣怡人。予偕僧慧修，踏石
披荆，盤折踰時，達壽安山絕頂。足疲，憩石上，童
然者山耳。久之，天光入懷，抱耳目忽遠。東望
帝城，佳氣蒼勃，翔龍翥鳳，嶙峋無極。則未知其
爲雙闕與西苑諸名勝與西南望，永氣微茫，如
練如帶，如虹明滅。則未知其爲渾河與蘆溝之
橋與北望廣漠，屹乎重鎮，蜿蜒而下，直趨帝
都。則未知其爲居庸與天壽諸陵，寢歟。右側香
山碧雲浮，光耀金左，石馬臥塚，露草含淒。望之

則又悄然以悲焉。坐定，擊石而歌曰：表獨立兮，山之上，雲容容兮而在下。嗟乎！少陵無人，謫仙死，頽安所得驚人。句以一行，其曠懷哉。歌罷，忽山狼從草間出，僧慧修操杖欲追擊，予笑曰：渠何與人事。乃僕僕爾耶。天風凜冽，不可久留。遂尋石徑歸。

摹做樞弓公穀雜以水經遂成絕調

再宿廣泉別景上人

信宿幽巖裏，山僧不厭狂。鳥馴依講案，犬熟臥修篁。

香飯炊菰米，和羹拾澗芳。分攜何太遽，歸理芟荷裳。

甓湖草堂近集

西山紀遊草

主

水盡頭予凡三至矣。是日由廣泉至隆教寺，閱

王給諫壁間詩，極言水盡頭之奇。予笑曰：澗耳

惡乎奇。旣又自思，彼親歷其源者，當不我欺。遂

下澗，澗踏峭石，猿接猿升，視舊所經歷，仍過半

里許，見兩巨石如門，水從中出，以爲幾窮其源

矣。又屈折行半里，見水或流或伏，或鳴或不鳴。

鳴或大或細，石或側或呀，或龜負或獸駭，或人

偃塞立，或擠怪樹生，作將崩未崩狀。水滌石阻

以爲是得水源矣。又行數十步，反不見水。益信

源。于。是。窮。坐。石。踰。時。忽。見。雜。花。蕨。蕤。搖。颺。谿。谷。
卽。視。之。則。水。洎。洎。未。絕。也。于。是。越。石。攀。藤。極。險。
峭。杳。冥。之。境。忽。見。巨。石。數。百。丈。疑。從。空。中。落。俯。
瞰。人。頂。刃。有。三。石。洞。類。人。所。設。施。激。湍。旋。瀨。響。
動。林。木。神。寂。氣。肅。其。聽。益。深。非。玉。鳴。于。佩。非。雷。
之。殷。于。山。非。鯨。人。之。逆。淚。大。珠。小。珠。濺。落。而。出。
予。乃。嗒。然。長。笑。曰。噫。嘻。是。水。源。也。已。然。而。水。之。
怪。源。究。不。於。是。窮。也。
每于結作不了語
覺語盡而勢方來

首夏隆教寺

巖湖草堂近集

西山紀遊草

三

首夏清和愜幽興。竭來杖策登化城。鈴院花深客初到。珠林鐘定鳥一鳴。石壁含雲影欲細。澄潭媚日光難傾。嵐氣浸衣不歸去。空庭坐待月生。

由臥佛至玉泉。從山峻峭處攀而上。目所及。輒得數奇。洞凡七。華嚴呂仙。窈以深。令人自遠。得一奇。山下玉泉。螭昂首出巖畔。珠沫玉折。曳練爲湖。得一奇。山上有亭翼然。遙望西湖。如晴虹飲玉川。平田如掌。岸柳縈縈。然緣溪行。繚青拂白。朗如螺紋。可指數。又得一奇。當初建三殿。丁。

有議燔山石爲灰者。賴少司空賈力爭之。乃免。
日湖今山畔碑之記之。且歌咏之矣。緣泉而北。尋望
湖亭舊址。不可得。堤畔多荷池。新葉旖旎。淺碧
覆波。左折至功德寺。明宣宗跽蹕處也。寺今廢。
但古柏夾道而已。當宣宗時。天下太平。三楊柄
國政。清和咸理。天子亦無瓊臺璇宮。龍舸錦纜
之事。但追崇象教。以爲遊觀地耳。乃數傳輒廢。
魁麗竄瓦。哀湍奔瀉。欲求當日翠華臨御之所。
而無有在者。蓋茲寺之圯亦百六十年矣。出寺

甓湖草堂近集

西山紀遊草

古

東望山光入湖。湖影影然。搖碧落解。帶臨風。數
月緇塵頓盡。循隴上行。見荷插者。帶鋤耕者。盍
携筐者。牧者。彷彿置身甓湖。煙浪間。見婦子勤
播種事。爲徙倚不忍去。
澹宕有一
唱三嘆意

玉泉山望西湖平田

玉泉亭子山之巔。下瞰晴虹。衆壑懸萬頃。恩波通太
液。千畦御粟上。豐年荷鋤野。老清溪立。牧犢村童白
日眠。民力東南今已竭。誰教西北盡陂田。

裂帛湖

卜靈鑿山真宰泣。雕鏤萬象寒髓澀。剪取清陰四幕
垂。忽焉裂帛天光失。此時驅龍不得眠。怒吐額珠弄
白日大珠已落小珠隨。逆入空潭媚蕩瀉。日光激射
無停影。石骨溪毛不敢匿。晞髮陽阿駐晚暉。漱寒玉
兮空佇立。

孤傑之氣發爲奇光
是李賀奚囊中語

廢功德寺

古寺蒼涼水一隈。宣皇曾此闢蒿萊。雲霄寂寞龍歸
去。香界蕭森鹿自來。石路虛疑過翠蓋。天人真見臥
蒼苔。只應古柏青青在。猶識當年御幄開。

空同
遺響

覽湖草堂近集

西山紀遊草

五

碧雲寺在玉泉山後。其紺宇雕甍之盛。所云日
香月飛光。其有暈靄。諸天鬼神。其有窟宅者。非授
古寺簡所能盡。寺後爲龍湫。流終古。有石洞。幾三
楹。燠冬寒夏亦終古。有亭巖然。臨泉上。上有

空御書激湍字。左曰聽泉。右曰枕流。則張學士高
僧侍講奉勅書也。泉澄澈迅流。至寺下乃作聲。遊
寺者。意所屬。專在泉。右折拾級上。有魏忠賢衣
冠墓。豐碑石室。僭擬侯王。嗟乎。當逆闖肆虐時。
彪虎輩擇人而食。數百年士氣。盡爲摧殘。明懷

宗已剖棺戮之矣。當路諸君子宜立碎其碑。鳴於廟廊以示誅奸。諛于既死之意。庶爲惡者懼而爲善者可以勸。乃數十年來竟聽其僭侈如此。則何爲者耶。日落風生相與慨息久之。

正論

經景泰陵

陰崖覆雕甍。石馬絡青蒿。咄嗟何王陵。蹏躅走木杪。松風吹紫蘿。丹旒疑縹緲。嘆息翠華歸。兄弟空式好。相傳出亡人。亦塋西山道。苔碣付寒烟。封樹淨如掃。

覽湖草堂近集

西山紀遊草

去

靜觀興衰理。俛仰動懷抱。回首望長陵。寂寞亦青草。碧雲洪光皆香山。地而香山寺獨以香山名。志尊也。寺極宏峻。香水帶左右。同人先生云。一日作者心。當二百年遊人目。良然。然西山大刹。多成於二正之季。當時閭豎執柄。輒作壽藏。極鉅麗奇偉之觀。其釁血塗膏。竭民力以爲之者。不知凡幾。今寺亦就圯矣。左而閣而軒。顏曰來青。明神宗命名也。軒竦立。四山爽氣拂人襟袖間。予坐定。極望怡神曠志。灑灑乎萬象冥合焉。

御書六大字在其上方擬宿軒旁覽夕陰沐晨光
以求丹井護駕松遺跡遊人麝至絲管喧闌樹
無靜影泉無靜流矣亟趨上宿洪光寺

來青軒

空翠來四山縹緲不肯落築崖貯清陰憑虛架危閣
我來凌絕巖長嘯俯窺廓洞矚豁幽想晴暉入冥漠
翹首覽宸翰空齋舞丹鸞日月轉孤峯煙霞生幽
壑還憇松下陰復此泉上酌吾知真無涯願言終抱

朴

瑩湖草堂近集

西山紀遊草

七

香山之勝以山翠色嶙峋軒閣開霽之狀豁如
也碧雲之勝以泉泉鳴戛玉澄藻鑑石瑩如也
洪廣之勝以盤道山勢壁立被體皆蒼柏于柏
間作盤道每上一盤則下盤之柏輒偃偻以伏
不敢仰視遊人攀柏坐石磴柏脂盈掌柏香盈
袖盡十二盤而止峭如也岸如也寺中爲圓殿
供毘盧千佛繞之鱗鱗然左玉皇閣又左玉華
寺翼翼然右爲無量殿達香山山皆石徑峻峻
然遊西山者首香山次碧雲又次洪廣予竟欲

以洪廣之勝。駕二寺而上之。山靈有知。當不疑予阿所好也。是夕歸廣泉。追憶所歷。筆之紙。夢去。猶栩栩。山諸勝地間。寫栢另出杆軸遂與同人先生爭奇

望洪廣寺

古寺阻嶙峋。巨靈吐鋒鏑。逶迤度回蹊。俯仰生寥廓。翠棧窮雕毀。丹嶂列鎖鑰。崖峭疑螭蹲。峯盤看龍攫。空谷既澄鮮。飛泉復參錯。文羽傍沙翻。松陰依澗落。塵思生鬱紆。迥眺欣所託。達天境自遣。矜名意已薄。迴首望林阪。紛紛發紅萼。

鏡湖草堂近集

西山紀遊草

七

余數歲出都門。每聽故鄉人談西山之勝。卽神往。後讀劉同人景物畧。所紀西山幽秀。遐詭之狀。多人言所未及。于是又嗒焉恟怳者久之。余嘗謂古人文字與天地川岳之氣。皆足以感發性情。而益其神智。使爾足窮。鄉僻廬終身不睹。名山大川。則與目不知。書懜然食粟。終其身者。何以異。且夫六經先秦之文。累千百世。莫能窮其奧。卽山川當亦有然。今讀吳子西山遊記。乃知同人尚有所未盡。而吳子之文。雋曠超逸。爭

奇麗柳其得于感發者已深然滴水巖百花陀
之奇麗猶屐履所未到則夫西山之勝其窮不
窮未可知也嗟乎余十四五時竊計異日得志
歸鄉里當築室西山爲養親讀書之地乃今二
十年錄錄無所就徒于文字中游覽而托諸寤
寐幾與爾足窮鄉僻廬者同其固陋也能無慨
乎北平王源崑繩氏跋

斃湖草堂近集

西山紀遊草

七

平泉平王源崑繩氏跋

兼覽史尚及宮掖博覽音同其因固也論理亦
十平幾幾無他他於于文字中執實語其前
離隙里當築室西山爲養親讀書之地乃今二
泉未可也出製平余十四五時竊計異日得志
去有飄然尋歸思未歸夫西山之勝其窮不
奇麗柳其得于感發者已深然滴水巖百花陀

叙

昔郭元振讀書太學家送資錢數十萬至一夕有人叩門告以急元振悉舉錢助之無吝色至今以爲豪舉然素豐耳萬子家非素豐新例輸金得官親若友有欲官萬子者各贖萬子得數百金萬子携至揚州見江西被俘難民婦子流離呼號慘不忍聞有會稽虞心影山陽僧蘭孟者募金爲贖萬子曰使吾得不應得之官曷若使夫妻子母多所完聚之爲快邪悉傾金與之後復往來金陵親歷行伍中力爲招募得贖歸者數十百人於戲此豈書生器量哉世之讀西江行諸作者亦可以惻然而興矣

甓湖草堂近集

南歸集

一

同學弟賈良璧稿

甓湖草堂近集

高沙吳世杰厚軒著

同學諸子評

南歸集

望西山

驅車辭帝鄉。迴首列青嶂。氣擁紫極尊。勢並金臺壯。元化積洪濛。翠靄紛浩蕩。我欲驂雙鸞。乘風任遊放。紫烟翳蒼巖。丹梯不可上。揮手謝山靈。鬱葱永在望。

臨岐回顧具
有忠愛至情

甓湖草堂近集

南歸集

一

西江行

西風吹折潞河柳。驚雁北翔雄。孤走雕弓豹。韃馬上兒坐。擁紅顏。載馬首。借問載者誰。云是西江婦。西江女兒貌如花。晝刺鴛鴦夜績麻。機聲軋軋催刀尺。兀坐深閨人不識。一朝金鼓動地起。健兒飲馬西江水。羽書追賊賊不得。良家子女徒充斥。牽翁負子無處無。阿姊覓弟驚招呼。官兵相耳語。慎勿追賊徒。牛車載歸婦。與女肥羊大肉美酒沽。孤兒啼乳聲不歇。鼓聲欲死弦欲折。飢薦啄肉叫空城。陰燐晝起悲笳咽。

大婦慘離別。猿啼腸斷絕。中婦哭號咷。悲風生怒潮。
小婦低眉淚沾臆。欲泣吞聲竟何益。行行渡江復渡。
河南北分飛。奈何君不見。紫燕驚棲墮羽翼。呢喃
欲訴情何極。縱教春社復歸來。雕檐畫棟無消息。

沈鬱悲酸不忍竟讀後西江人至廣陵萬子力
爲捐募得贖歸者數百人可謂不負其言矣

任丘堤上作

春晚綠被野。澤深雲屯空。萋萋芳渚出。靄靄翠烟重。
空梁行紫鮪。修堤偃玉虹。新蒲媚澄漪。文藻濯清風。
遐矚緇塵絕。結念青冥通。金門徒玩世。漢陰有高蹤。
甓湖草堂近集

南歸集

二

願言歸湖曲。抱朴終吾躬。

過古石門

朝行壽王里。暮驅石門道。南望白雲飛。致身恨不早。
昔有仲氏子。爲親嘗負米。今我胡爲緇。塵路覩顏有。
愧慈烏哺。殷勤戒僕夫。疾驅歸甓湖。樽中有酒盤。有
粟鮮鱗如。銀蒲如玉摘。蒲烹鮮兒亦足。

朴老處不
減張王

春日途中雜感

荒臺百尺鬱嵯峨。馬首空歸發浩歌。驛路不隨芳草
盡。鄉心偏向白雲多。佳人薄暮吟修竹。山鬼乘風帶

女蘿。悵。望。日。南。頻。極。目。樓。船。下。瀨。正。橫。戈。

其二

羽。林。諸。將。會。長。安。元。老。翻。勞。拜。築。壇。上。苑。驂。騶。頻。紫。
殿。千。官。旌。旆。擁。雕。鞍。銀。河。倒。瀉。鯨。波。靜。赤。羽。遙。臨。鳳。
閣。寒。寄。謝。上。公。好。自。愛。蒼。生。涕。淚。幾。時。乾。
沉鬱頓挫直駕

空同而
上之

其三

梅。花。吹。落。古。涼。州。玉。笛。聲。中。帶。月。流。鐵。馬。瑯。戈。空。在。
眼。青。犁。黃。犢。有。深。愁。伏。羗。誰。上。金。城。畧。轉。餉。頻。煩。

覽湖草堂近集

南歸集

三

聖。主。憂。幕。府。遙。臨。須。努。力。輸。邊。卜。式。已。封。侯。

其四

彭。蠡。春。深。臥。餓。衣。青。蛾。攬。涕。入。重。圍。江。花。錦。石。愁。無。
那。玉。檻。朱。櫺。見。亦。稀。練。水。風。微。車。馬。渡。燕。山。月。冷。夢。
魂。歸。傷。心。恰。對。鵝。鶻。鳥。故。傍。晴。沙。欸。欸。飛。
哀音綿邈

其五

浩。蕩。長。淮。起。暮。愁。閑。從。父。老。話。安。流。十。年。奮。錘。心。偏。
苦。幾。邑。瘡。痍。勢。未。休。春。老。覽。湖。甘。學。圃。月。明。古。驛。獨。
登。樓。年。華。滾。滾。情。何。極。好。把。行。藏。問。白。鷗。

曉發張夏

天風吹客衣。行役當春暮。千山發清暉。晨光屢延顧。
石磴沒青蒼。層巒限烟霧。峻嶒鳥路窮。縹緲奇峯遇。
巖峩指岱宗。迴翔驚鳳翥。白雲翳秦封。明霞凝漢樹。
鹿砦芝草繁。虎徑山花吐。蓬生真可託。幽尋知非誤。
駕言凌穹崖。俯瞰滄溟曙。

泰安道中值家慈生辰

遊子去鄉縣。慈母繫所思。慈母會稱觴。遊子行路岐。
願言登泰山。再拜訪安期。贈我金光草。貽我瓊樹枝。
覽湖草堂近集
南歸集
四

雨霽望岱有感

岱宗東望闢鴻濛。縹緲真疑碧漢通。待跨晴虹揮霹靂。
日漫吹玉篴響。天風石梁雨過荒烟冷。金冊雲封夕照空。
薄暮停車頻悵望。欲將孤劍倚崆峒。

其二

風生萬壑珮珊珊。羣帝駢鸞禮玉壇。翠靄晴分雙闕迥。
蒼煙晝合五松寒。芒鞋自惜尋春晚。拄杖還歌行

路難望。眼不須。凌日觀。愁看溟渤有波瀾。

其三

丹巖萬仞鎖天門。突兀虛疑虎豹蹲。上界笙鏞隨嶺
度。中峯檜柏傍雲屯。黃蒿到眼蒼生賤。赤霧橫看將
帥尊。觸石還應飛暮雨。洗兵真欲倒河源。
三首寄
慨遙深

過羊太傅故里

天地誰留太傅祠。蒼茫遺墓使人悲。當年倖伐須前
輩。異代風流是我師。古柏晴窺雙鳥下。玉蓮孤倚萬
峯垂。荆襄南望鞏聲急。烽火頻看墮淚碑。
杜老懷
古諸作

覽湖草堂近集

南歸集

五

可以
鼎峙

望新甫山

策馬辭徂徠。新甫復相覲。紫烟明窈窕。丹嶽發金碧。
何年巨靈手鑿此。蓮花骨峯廻鳥路通。樵深虎徑失。
中有化人居。貝闕欽清寂。鐘聲散遙嶺。雨花動危石。
寂樂如可尋。一洗緇塵跡。

登磬山

躡屐登磬山。嶽崎非一狀。俯眺齊魯間。龜蒙鬱相望。
石磴覆松陰。孤光自相蕩。塵慮徒紛紜。于茲足游放。

深坐觀元虛。中心復何向。

似張
曲江

十五夜對月

長風吹大陸。皓魄拂長裾。獨對螯陽月。空懷北闕書。
光連雙極動。影入萬山虛。此文閨中婦。應憐紅藥疎。

大霧

朝霧覆青蒼。陰森蔽白日。回首望東蒙。翠巘孤烟沒。
古塚斷碑碧。薜溼山鬼含笑窺。人出策馬荒郊空。佇
立。奇崛之氣
咄咄逼人

蒙陰道中口號

南歸集

六

甓湖草堂近集

石洞雲霞窈窕間。紫塵車馬老朱顏。不如縱獵蒙山
澤。日落風生射虎還。

沂水道中遇方子佩聞四弟入泮

沂水春風裏。良朋慰客心。老親憑望眼。弱弟有佳音。
礪戶花爭發。池塘草自深。何當歸故里。松月響瑤琴。

其二

薊北空歸去。淮南喜雁過。汝兄真懶漫。吾弟莫蹉跎。
蒼隼乘風勁。丹駒汗血多。千秋饒大業。懷抱竟如何。

二首
老真摯

渡沂水

萬山抱齊魯。衆壑互廻衍。驅馬度幽澗。沂流自清淺。
日搖潭影碎。沙激波光顯。危石何嶙峋。溪聲歷縷綿。
曠望懷古人。春風已在眼。濯纓世氛滅。漱石物慮遣。
高詠出沂水。會心豈在遠。

沂州夢景瑗兄

頽陽入林薄。衆峯何盤盤。巖花當徑落。旅舍生孤烟。
濁酒聊斟酌。徒倚寡所歡。春星鑿疎帷。惟故人當我前。
辛勤握我手。氣結不能言。我起執君袂。問君行路難。

篔湖草堂近集

南歸集

七

虎豹啼清晝。蛟龍蟠急湍。君行何到此。幸勿憂蹒跚。
空響忽驚寤。黯然摧肺肝。

居然林青塞黑之
景使我聞之心悸

其二

憶君訣我日。贈我松柏篇。衆芳媚春陽。皎潔自成妍。
愧我松柏姿。坎壈愁歲寒。阿鑛幸成立。好友相周旋。
謂汪子長公阿錦就外傳。嬉戲黷自憐。骨肉得所適。慎勿
悲下泉。江海多淒風。四顧翳烽烟。寧知撒瑟日。非君
得所安。披衣一悵望。落月滿林端。

傾蓋亭

聖道日麟炳孤亭。紛照耀遺趾重回翔。豐碑屢延眺。
再拜肅心魂。俯仰生長嘯。贈帛者誰子。倚歎稱同調。
問答展殷勤。日夕聆要妙。卓犖識人英。嶽峙知德劭。
嗚嗟當世人。誰識尼山突。衰鳳楚生譏。喪家東門蒲。
斧柯自黥傷。虎兕徒默悼。自非同心侶。孰與發精奧。
聖哲相因依。日月息餘燭。遺澤被修垆。高風覆孤嶠。
入室想襟期。空庭生窈窕。執鞭意徒殷。薦蕙誠莫報。
緬。紗。傾。蓋。言。寂。歷。龜。山。操。懷。哉。千。載。心。永。矣。敦。風。好。

古音
歷落

覽湖草堂近集

南歸集

八

問官祠

龍德鍾素王。麟書吐丹籀。易象恣精研。禮義勤耕耨。
憶昔魯昭年。聖轍中原驟。問官少皞墟。巍峩鄰子觀。
咨訪重殷勤。叅稽非邂逅。博學問洪濛。黨言詎乖謬。
一朝稅車鞅。千秋宏俎豆。廟祀倚層城。丹雘忽非舊。
古慢玉塵生。遺碣積蘚繡。疎牖絡蛛網。空梁鳴乳鷁。
生煙傍檐紛。旅麥當堦秀。對此實愴魂。俛仰徒心疚。
白晝凜衣冠。虛堂聞警噉。嗟哉梵氏宮。紺碧輝崇構。
曩哲麗霄壤。遺廟摧烽墩。吾道豈盈虧。彼昏徒眩瞽。

誰能闢榛莽。光華終宇宙。

峒嵒道中

雨霽群峯出。春風拂劍過。山形盤楚甸。地勢割黃河。
烽埃依鷄犬。烟村帶蕙蘿。辛勤諸子弟。買犢莫蹉跎。

通首
老壯

渡黃河

揚舠涉黃河。千里波瀾壯。沙崩風怒號。天空日相蕩。
勢凌山岳險。氣逼星辰上。連朝苦登頓。覩此始神王。
所嗟畚鍤勞。清淮失保障。擊楫歌宣房。壁馬增惆悵。

覽湖草堂近集

南歸集

九

老氣橫
九州

文遊臺宴集同研齋鏡石兩李先生分賦

微風淡淡蒸圓景。傾澄澈。晶晶川光浮森森。嘉蔭發。
偕我素心人。徘徊溯濂次。丹霞冒清淺。文藻被綺纈。
悵望臨高臺。四顧足怡悅。水氣入青冥。湖天得疎越。
良苗扇輕陰。素波蕩新月。空翠若堪把。清光自相綴。
葱蒨俯華樽。蕭騷吐玉屑。側身一懷古。風流迴未歇。
何當生羽翰。凌風覲曩哲。

江上玉皇閣

高閣瞰大江。憑虛入天際。牽蘿躡層梯。捫石尋幽契。
空翠鬱相望。天風吹薜荔。山雨積空濛。蒼靄流真氣。
翻疑虬鸞翔。霧旗縹緲至。環珮雜濤聲。俯仰趨羣帝。
對此肅心魂。曠望生長愜。江海凝紫瀾。南顧青烽翳。
玉虛詎杳冥。糾紛真何意。振衣凌蒼穹。高舉叩靈闕。

不減少陵登
慈恩寺塔詩

登玉山還宿避風館作

館爲李小
有先生建

落日照長江。波光噴薄言。辭北岸渚。還稅南徐郭。
振策登玉山。天宇何寥廓。鳥路白雲翔。烟際孤帆泊。

覽湖草堂近集

南歸集

十

鐵甕阻泱漭。金焦吐鋒鏑。曠望愜幽期。攀躋得所托。
丹梯蝕蒼蘚。孤館發紅藥。行行憇化城。風濤歸寂寞。
言念滄浪叟。慈航如可作。近將習靜理。一視龍與螻。

題李鏡石先生廬山圖

端居屏塵霧。翛然披畫圖。嵐氣倏忽至。空翠落庭除。
虛室得幽響。况有新詩俱。蔚矣探奇客。振策匡君廬。
長嘯揖天庭。望古幾躊躇。歸來携素練。寫出雲嶠孤。
造化生寸心。獨坐巖壑趨。何時乘逸興。携手以相於。

其二

嵯峨天子鄣。迢遞不可至。還觀五老圖。石樹迴青翠。
山雲互明滅。陰崖層水蔽。曠望彭蠡湖。微茫但一氣。
空洞萬里開。烟霞增明媚。我志在山水。睹之有夙契。
其二

其四

高館灼素練。一望何晶晶。石門還峙立。紫烟明窈窕。
璧湖草堂近集

南歸集

七

玉房自晶熒。精光墮瑤草。人生被物役。蟬蛻苦不早。
何當奮雙翮。凌虛入縹緲。披卷一長嘆。松陰露清晫。

寄蔣次斗

廻飈澄霜氣。萬籟生虛靜。悵然念遠道。中心鬱以耿。
長干稅歸鞅。江上空延頸。風嚴木葉疎。天空月華冷。
窈窕竹西路。迢遞梅花嶺。相思無終極。心迹逝將并。
願逐蕪城月。流光照君影。

開雁

少婦當窓織。結綺陳中庭。停機一悵望。素河夾華星。

上天垂青幕。四野起陰森。鴻雁雲中度。徘徊感我心。
翻飛不忍下。清響越中林。織罷起太息。泠泠露華清。
胥浦懷古

赤岸走濤聲。白沙明江滸。靈飈颯然至。識是子胥浦。
次簫向吳市。被髮傍江渚。我來懷英風。歷落振千古。
堅貞著鴟夷。大義虧覆楚。擊楫一長望。白晝疑江雨。
翠旗紛有無。精英自軒舉。廻顧浣女灘。微茫久延佇。
奇氣

月下贈耳公時將歸豐溪

甯湖草堂近集

而歸集

二

歷歷青桐枝。離離垂朱露。明月忽當軒。喟然生長慕。
言當賦遠游。脂車豐溪路。清琴爲我彈。哀怨傳衷素。
迴念曩來時。毋乃爲虛度。氣結不復語。珍重此朝暮。
十四夜對月呈水蒼紫驂

時水蒼將
之南康

碧雲淨華榭。松陰上重階。玉繩度天闕。金波傾高臺。
靈耀匿西隅。白露紛紫埃。美人坐綺閣。璀璨生羅帷。
憑高一長望。流姿入我懷。悵然念遠道。皓魄有餘輝。

其二

玉衡轉天外。月華照江沚。念我同心人。行役自茲始。

駕言彭蠡湖。漱灑明江壘。清光麗九垓。巖壑生俶詭。
行當歷遙夜。徘徊念彼美。願若弦與望。清輝同千里。
十六夜月下聽琴

涼。颼。激。疎。林。鳴。絃。延。素。月。素。月。熠。琴。心。疎。林。響。欲。發。
一。彈。屏。雜。氛。再。彈。得。超。越。霜。華。凝。不。流。寒。風。氣。如。結。
風。定。琴。亦。止。空。庭。響。未。歇。古。調。動。相。尋。冥。理。靜。可。授。
願。言。采。雲。英。翔。翔。任。天。關。
似常建江上琴興詩

秋夜

夜。氣。足。澗。林。霜。月。流。虛。白。一。室。歛。秋。陰。寒。光。媚。幽。獨。

湖草堂近集

南歸集

三

此。中。有。精。理。悠。然。久。弗。告。

羅羅清疎

秋夜讀離騷

霜。華。弄。寒。姿。懷。古。心。鬱。結。靈。修。何。處。尋。仰。看。長。空。月。
其二

故。都。何。必。懷。美。人。會。有。遇。掩。卷。一。長。嗟。秋。風。白。庭。樹。

二首可當反騷

冬初送友人再之粵東

炎。海。歸。來。閱。歲。華。吳。鉤。長。拂。走。天。涯。十。年。兩。度。番。禺。
月。萬。里。重。看。庾。嶺。花。樹。煖。梳。榔。開。石。嶂。江。寒。翳。翠。傍。

晴沙布帆無恙參軍健百粵風塵正未賒

天竹歌

高樓俯瞰明霞吐。團圞朱實風前舞。離離只合鳳凰
食爛爛羞與珊瑚伍。一從棄置向江干。清霜細夏朱
琅玕披離遙映江楓寒。江楓蕭瑟江雲黑。扶疎徙倚
情何極。我聞上林中。朱櫻歷落間青葱。中使擎入明
光宮。火齊倒瀉玉盤空。璀璨應與此君同。錯落埃塵
休嘆息。會須移向瑤林側。繚以青絲錯以金頓。使朱

櫻無顏色。

徒筆
凌空

雙湖草堂近集

南歸集

丙

叙

麟里頌言者吳子萬子遊東魯仰止大聖人之所爲
作也夫人學聖人之道卽不能入聖人之室然使終
身窮廬僻壤不得親至聖人之門登其廟堂觀其車
服禮器於心獨無嗛嗛乎而或者以爲學聖人之道
誠有得於聖人卽終身不至聖人之門亦復何恨萬
子之於道不自知其至乎未也今誦其謁孔林擘廟
諸詩似非無得於中者然則萬子固非徒至聖人之
門者也姻弟李儒琛識

麓湖草堂近集

麟里頌言

一

麟里頌言者吳子萬子遊東魯仰止大聖人之所爲
作也夫人學聖人之道卽不能入聖人之室然使終
身窮廬僻壤不得親至聖人之門登其廟堂觀其車
服禮器於心獨無嗛嗛乎而或者以爲學聖人之道
誠有得於聖人卽終身不至聖人之門亦復何恨萬
子之於道不自知其至乎未也今誦其謁孔林擘廟
諸詩似非無得於中者然則萬子固非徒至聖人之
門者也姻弟李儒琛識

叙

雙湖草堂近集

高沙吳世杰厚軒著

麟里頌言 諸子評

麟里頌言

謁至聖先師廟恭紀

晨興束帶謁齋宮。千古斯文入望中。不向春秋懸日月。誰從天地闢鴻濛。荷蘭吟就龜山老。梁木歌成泗水空。拾級幾回思入室。丹梯萬仞白雲通。

氣概焯煌雅與

題

雙湖草堂近集

麟里頌言

其二

古殿松花入講筵。巖崎檜影欲參天。雲霄揖讓三千士。星日褒誅二百年。麟角緩書留石碣。金絲遺奏響流泉。闕宮亦在孤城外。周公廟在曲阜城東一體蒸嘗泰岱邊。

夫子手植檜歌

老檜鱗鱗杏壇側。宣父遺模猶翠幹。飽青霜百尺。枯影動蒼虬。千仞立孤標。豈燕鬼神扶。靈根自具興。亡識我來再拜。倚層軒。摩挲千澤至今存。上拱天闕。雷霆鬪下。陰瑤階。芝菌繁石。陸離苔蘚。溼講堂絃。

誦還蕭瑟羨爾挺立宮牆間。素松漢柏應俱失。君不見
鄒魯聖道日榛蕪。荒原茂草空嗟吁。安得爾檜
扶疎。崛起人間出。獨開茫昧。麗白日。頓掃天下無荆
棘。與孔明廟古柏
歌爭雄千古

與于謁謁至聖宮還登奎文閣

庖羲一畫分天章。尼山紫氣垂光芒。洙泗東來環泰
岱。萬古精靈鍾素王。憶昔玉書綬麟角。手披雲漢開
群覺。河流亘地溯星源。白日麗天息餘燭。此生何意
瞻遺徽。振衣還上奎文閣。憑凌萬里起陰森。俯仰一

覽湖草堂近集

麟里頌言

二

氣通寥廓。豐碑矗立遙相望。金石遺文記漢唐。摩挲
不知苔蘚蝕。披紛但覺蛟龍翔。玉帶河邊更奇絕。彩
虹雙駕光明滅。青鸞白鶴紛屢舞。芝草倚蘭迴未歇。
竭來望古一徬徨。正襟彷彿睹羹牆。迴首松陰一長
嘆。千載誰登作者堂。

金絲堂

魯共壞宅金絲奏萬古。猶存舊講堂。試向靈光問遺
蹟。可憐芳草沒斜陽。

恭謁復聖廟

素王開大業。薄海發羣蒙。夫子生民秀。尼山胥附隆。

孔叢子云顏子爲孔子胥附之友

高堅窺道輿。博約鑄天工。問政推

王佐。齋心達聖功。溯源環汶水。仰止識喬松。日觀看

吳練。修文駕玉虹。荒唐陋往籍。愾想肅齋宮。享殿尊

彝煥。文津牲幣同。軒楹依泰岳。俎豆接姬公。眸嚮千

秋合。精誠一氣通。于今瞻栢柏。不啻倚崆峒。巷井春

風裊。廟有陋巷井簞瓢霽月中。欲尋真樂處。此意復何窮。

恭謁至聖林

峩峩泰山麓。羣阜朝至尊。泱泱大河水。溯源自崑崙。

覽湖草堂近集

麟里頌言

三

駕言稅東魯。悵望登高原。鞠躬捫蘿壁。約趾入松門。

逡巡闕里側。再拜肅心魂。蘭芷誠莫薦。蘋藻意彌敦。

低回百世上。緬懷罔極恩。景行空在望。誰測乾與坤。

其二

黃農不可作。生民失厥初。辛勤我夫子。返之登唐虞。

轍環豈得已。斯人真吾徒。時哉不可遇。終老泗與洙。

生爲多士規。沒爲萬古模。猗歟天壤內。大文日月舒。

其三

憶昔還轅日。羣哲荷甄陶。獲麟一以歌。曳杖倚逍遙。

倚嗟七十士。空傷梁木凋。側聞端木子。築廬傍山椒。
六年不返顧。悲風自蕭條。登堂思愾息。入室想遊遨。
千載尋遺踪。石碣鬱嶕峣。松風吹天籟。髣髴聞簫韶。
講案繡苔花。階前紛白茗。俛仰思曩賢。高誼薄層霄。
如何百世下。此意遂寂寥。嗟言廬墓處。望古思迢迢。

其四

鬱鬱城東柏。巍巍至聖林。蒼茫亦何極。晝合天地陰。
俎豆亘萬禩。表章有遺音。仰止心徒切。大道終莫任。
不見高隴呼。空餘駢蹕亭。

麓湖草堂近集

麟里頌言

四

其五

古墓依天表。防山堪作隣。洙水相蕪蔚。幽澗石磷磷。
禽鳥一以絕。蒼苗自續紛。嗟哉古陵寢。轉盼委荆榛。
如何瞻聖里。一氣流千春。天運有顯晦。吾道豈亨屯。

脚蹕不能去。佇立仰蒼旻。

字子林

子貢手植楷

楷木何年植。前賢手澤存。蒼鱗諸霜雪。鐵幹負寒暄。
青葱雖云沒。儼若虬龍蹲。憶昔築室日。黯黯風日昏。
徘徊獨樹下。灑淚滴孤根。正直陰隲表。燦若芝草繁。

至今猶竦立。寒光映朝暎。迴首望古檜。左紐蛟螭翻。
茲木鍾靈異。突兀載厚坤。譬如泰岱外。別有梁父尊。
相傳諸弟子。亦自樹高原。殊方各異植。儼若列弟冕。
神明常呵護。雷雨自崩奔。懷哉端木子。對此一愴覘。

古質陸離亦有
蒼皮溜雨之色

恭謁孟母祠

九龍山畔野塘開。孟母芳規切溯洄。坐看蓮花移白
日。松陰縹緲雜香來。

悠然
言外

望嶧山

甓湖草堂近集

麟里頌言

五

大陸風沙靜層巖。到眼中。我來看落日。何處問孤桐。
雲路邀黃鶴。天根駕紫虹。哲人真在望。佳氣自龍從。

恭謁亞聖廟

日月亦經天。江河亦行地。惟我孟夫子。巖巖泰山氣。
手握造化樞。諸侯爭擁篲。王道雖已陳。方圓殊鑿柄。
著書垂七篇。俯仰識天意。咄哉儀秦儔。直同妾婦視。

五詩博大沉鬱
足寫巖巖氣象

其二

素王既已沒。洙泗道將窮。楊墨塞路岐。宇內靡從風。

羣言復凌亂。談天與雕龍。汲汲嶧山叟。辛苦發羣蒙。
大聲振雷霆。積霾幾爲空。微言絕復續。大義炳方中。
嗟哉洪荒日。澤洞實爲凶。人心亦如此。補救代天工。
所以千載下。卓然媿禹功。

其三

伊昔歷聘日。矢口陳仁義。正義正襟無多談。反覆禁功利。
如何百世下。斯言成屏棄。紛營及刀錐。令人發深悸。
我願剖心血。薦以當蘭蕙。翩然下大荒。一洗蠅營氣。

推倒一世拓開萬古如
此洗發足爲吾道干城

覽湖草堂近集

麟里頌言

六

其四

誰謂醴無源。誰謂芝無根。峩峩斷機堂。遺跡至今存。
三遷成令德。千秋仰厚坤。三復中壘傳。何由薦蘋蘩。
借其五

昔我謁孔林。古柏夾廣路。今我登嶧山。蟠蔭亦如故。
再拜一陳詞。蒼茫忽延顧。翠恩絡蛛網。丹甍空鳳翥。
古碣卧松根。蒼鼠竄如鶩。兩楹列弟子。冠裳失故步。
偶來一瞻依。太息有餘慕。豈無化人居。尺地黃金布。
厥功在生民。舉世曾莫寤。人性多錯迕。凜然動深懼。

出都贈費風山先生

東南有威鳳。羽儀耀天衢。九州覽德輝。光彩被枋榆。君子秉明德。宛委探奇書。識洞鑑逾朗。卓犖爲世模。賤子何文藻。亦自漱水壺。隱耀豐城氣。躊躕阪下駒。俯仰終古內。鑑識復何如。

其二

明月發高樓。綺帳生華姿。戶牖煥清景。蛾眉揚共輝。當窻理蠶績。膏沐不遑施。織纈徒自好。婉轉流黃機。皎皎東鄰女。粧成顏色稀。言承紫宮寵。爛若芙蓉披。妍媸亦何定。眇睠適相宜。寄謝空閨質。寂寥毋自嗤。怨而不怒。甄后塘上行庶幾近之。

雙湖草堂近集

麟里頌言

七

其三

名高徒物役。知希道所欽。冥心有真契。豈直薄華簪。斲桐以爲琴。而琴亦有心。線絲以爲絃。而絃亦有音。知音苟云得。山水益其深。曠矣鍾期聽。沉思匪自今。努力念明德。松月發長吟。

奉懷孫虞橋先生

十載憂時心。苦悲逢人淚。落說瘡痍何當讀。易觀潛。

確手把韋編茹紫芝。

其二

聖主恩深大澤頒，桃花清影瀉潺湲。只今父老加餐飯，聊爲先生一破顏。

蘆溝橋望西山

千峯趨鳳闕，萬壑抱燕關。直欲乘風去看雲，任還雨青潭。柘寺烟冷石經山，何事車塵客勞勞未可攀。

一氣貫注

御馬

麟湖草堂近集

麟里頌言

八

西來千騎渡幽燕，龍種如雲帝里旋。蹀躞競看紅叱撥，騰驤爭羨錢連錢。追風直飲三湘水，流赭斜開六詔烟。萬里橫行真賴汝，敢同八駿踏瓊田。

其二

憶昔驂騑下九天，江南爭索禦行錢。圍人惆悵頻輸粟，軍令分明緩着鞭。千里電馳看月落，四蹄星列印沙圓。只今楚粵青烽靜，願爾龍媒老日邊。

蒿目語出肆

好之風

白溝河懷古

逐燕高飛上帝畿。白溝河畔列重圍。三年破斧成何事。十萬全師竟不歸。血污游魂雲黯黯。波流遺恨雨霏霏。金川莫道齊黃誤。嘆息東山心事違。

任丘堤上口號

任丘堤上柳。珍珍撥刺銀鱗出。玉潭儘道他鄉風物好。令人那不憶江南。

景州遇李涵生

萬事那能料。嗟君此地留十年。空上策。五月只披裘。愁劇翻無語。思深不計秋。憑將雙淚去。添作甓湖流。

甓湖草堂近集

麟里頌言

九

其二

憶君分手日。花發故園春。短劍三年別。長途萬里人。關山時在望。樽酒一相親。月落思君處。應憐入夢頻。

廣川懷古

廣川繁露闢鴻濛。古木荒祠一水中。寂寞園林窺不得。棗花香送度溪風。

荏平懷古

晉水真龍虬。髯紫天策羣公攀。鱗起咄嗟馬生出。草間短布單衣見天子。秘畫英謀上帝側。殿上非常動

顏色。伍羞褒鄂失。魏王嶽崎歷。落人爭識我。來君里
一徘徊。雄姿倜儻絕。塵埃故宅。蕭條青蔓合。荒祠閨
寂野烟開。英風萬古情。何極如君。豈合終草澤。驥尾
偶附入青雲。羊角終能搏紫翮。憑君吊古莫歔歛。丈
夫騰上會有時。此亦當年一布衣。
氣岸不凡

經三歸臺故址

天入東阿歛。夕暉四山蒼。翠頰成圍三。歸往蹟今何
處。秀麥高原雉子飛。
似高季迪

穀城山下望黃石公廟

鏡湖直堂近集

麟里頌言

十

北上陰符秘室文。穀山遺廟倚斜曛。峯頭何處尋黃
石澗底遙看。只白雲玉洞素書空窈窕。瑤壇芝草想
繽紛。赤松合在層巒外。更擬從遊鸞鶴羣。

陽穀店

昔人盟會會經地。千里雄圖入望賒。往蹟只今餘野
店。青帘搖曳紫藤花。
秀絕

汶上值雨

野曠風沙急。征車問驛亭。雲涵一水白。雨失萬山青。
酒幔搖孤樹。蒲陰帶遠汀。飢烏啼載道。凄切不堪聽。

雨後登汶上玉皇閣

丹梯玉觀層霄上。煙靄遙連泰岱青。絳節直從天外
至。鳳笙虛向雨中聽。雲歸絕壁流真氣。花入孤城送
遠馨。安得凌風生羽翰。高尋紫闕叩仙靈。

五日途中

五月去年邗水上。今年五月汶河濱。那堪兩度高堂
上。摘取榴花念遠人。

衝泥行

五月五日南風顛。積雨荒郊宿野烟。龍舸角黍那在

甌湖草堂近集

麟里頌言

十一

眼痛飲讀騷空自憐。晨起驅車苦徧仄。咄嗟天地忽
異色。陰雲黯慘深林青。驟雨奔崩白日匿。花重烟沉
吹不起。驚沙墮渚飄無力。柳葉蒲根拂拭開。黃鸝坐
樹頻傾側。客子金盡急還家。努力衝泥過水涯。長途
淖淖空徙倚。車輪呶啞還欹斜。蜀道千盤意慘惻。太
行九折心紛挐。泥滑水深行不得。僕夫欲言仍咨嗟。
頓足叉手臥道左。客子偃蹇當途坐。古木蒼藤生杳
冥。野雀飢鳴愁向我。心折征塵自苦辛。目極荒原復
淚墮。君不見。嶽陽城南荷鋤子。榆皮槐實甘如薺。鬻

見輪租租不足苦遭鞭撻皮肉死嗚呼貴人豈不仁
軍需迫促非得已歸來赤脚帶雨耕頓忘木索心歡
喜我行對此還躑躅安得一雨翻盆沒車腹家操豚
蹄祝歲豐牛飽薪芻人飽粟噫吁嚱但使牛飽薪芻
人飽粟我車泥滑甘折軸

全是先憂後樂氣象萬
子心存天下于此窺見

班一

褚烈婦

婦姓任氏秀才褚懋洪妻合壙
嶧山有四死貞烈坊在道左

新塚嶧山側空山鬱嵒孤峯與勁節咄咄兩相高

其二

覽湖草堂近集

藤里頌言

三

丹詔來天上豐碑植路旁可憐嶧湖畔時見雙鴛鴦

登陰平集四山望嶧山湖

夕照千峯迴湖天樹影齊山光明素練水氣截青霓
晴晦雙開眼乾坤一杖藜那堪鄉思切望入碧雲低

晚行嶧縣道中

鷄鳴萬壑動烟樹白紛紛霽雨藏深澗朝曦劃斷雲
遠帆移岸山獨戍傍山分何幸征鴻羽哀歌已不聞

筆力
深峭

敘

淮揚水患十七年郵爲甚郵之水患幾二十年庚申爲甚郵之城七十二湖滙其西陂澤緒田濫其東自有水患以來昔日千家萬家之村存不什百數百家聚落今數家或爲墟矣庚申夏雨師與河伯交怒水嚙城城如萍浮海面城圯水決入郵之賢士大夫匍匐呼號身立水中鳩工築救數萬命獲復全乃或者竟以憫念桑梓致蹈不測此萬了所爲仰天椎心欲爲請命求解而不可得者噫嘻此卽庚申諸詩之所

覽湖草堂近集

庚申雜詩

由作也與弟鴻烈題于邢江僧舍

其以聞念桑梓致蹈不測此萬了所爲仰天椎心欲爲請命求解而不可得者噫嘻此卽庚申諸詩之所由作也與弟鴻烈題于邢江僧舍

甓湖草堂近集

高沙吳世杰厚軒著

同學諸子評

庚申雜詩

送金水蒼之荏平

春風麗白日。郊甸濯晴光。對酒忽不御。念君之遠方。
僕夫戒征途。指顧凌蒼茫。陰崖積霜雪。清露塗衆芳。
紫蘭冒幽谷。素鱗逝空梁。揮手自茲辭。顧瞻心內傷。
今日甓湖曲。明日東海疆。遠道雖云樂。豈不懷故鄉。

甓湖草堂近集

庚申雜詩

一

其二

故鄉豈不懷。迢迢隔幾許。驅馬聊攝束。鬱鬱箕山野。
經過魯連村。風流振萬古。功成不受賞。昂藏寡儔伍。
徘徊馬周宅。意氣傾人主。當其未遇時。蕭然一環堵。
丈夫有龍蠖。卓犖疇與語。恭承古人風。高義如鸞舉。
曠懷千載上。慷慨空延佇。

其三

中心生慷慨。兩地同懷抱。子如雲際雀。念儔凌縹緲。
予如轅下駒。踟躕徒心悄。心知旣云闊。金石胡不保。

路遠情彌親。萬里匪云泐。願彼重上。月殷勤。鑿夙好。其四

念茲夙昔好。惆悵天之涯。天涯雖云遠。相見自有期。顧此艷陽日。脉脉使心悲。芳蘭澤我袂。惠風吹我裾。行子遵芳甸。浮雲忽間之。匪彼浮雲隔。中心願有違。黃鶯營八極。鷓鴣戀一枝。何當生羽翼。慰此長渴飢。

四首逼
眞漢魏

流民行

啾啾江畔空。倉雀天寒凍。餓慘不樂爲。我謂雀何不。

璧湖草堂近集

庚申雜詩

二

飛向生處棲。却來此中填。溝壑答云。自我適樂郊。努力聚族成其巢。傾身且暮營一飽。集枯集菀隨所遭。人生有命豈能逃。鷲鳥飛飛爭得食。嗟爾昏乾呼不得。噫嘻哺飢之策誠難工。范金欲鑄富鄭公。

慘鬱
沉痛

不忍
多讀

其二

季夏枯焦天地赤。四野飛蝗爲剽賊。誰知巨浸從西來。此物且爲蛟龍食。蛟龍一何喜。婦子一何悲。室廬飄蕩林木摧。手攀弱枝中夜哀。嗟哉雨師爾胡滯淫。

雨師曰咨予胡爾滯淫皇天降割爾民實大且深君
不見雷霆震驚民駭走秋風立決鰕魚口

奇峭

其三

流民四野屯荆榛土作窟今蓆爲門男呻女吟當塗
臥骨如堵墻皮肉破陰風慘淒明星大死者垂頭生
者坐羈孤獨照兩三個骨肉團團死則休零星離訣
誰能那

其四

道逢老嫗喃喃語。御悲欲訴伶仃苦。自言有三男。天

覽湖草堂近集

庚申雜詩

三

災迫促那能堪。大男好身手。糧艘北上供驅走。中男
頗細弱。勉向豪家勤力作。獨有小男無所歸。飢依阿
母使心危。去者長不返。存者能幾時。置兒道旁泣。幽
咽明年麥熟收。汝骨。

其五

昔人重高節不食嗟來食今我蒙頭嗟去來冷炙殘
羹那能得朝乞行不歸暮乞行不歸爺娘望兒肝腸
爛縱有石麪誰堪餽君不見朱門昨夜酣歌舞酒肉
狼籍紛如土

其六

瀉水平地東西流。孤死何必終首丘。路旁飢人枕相藉。酸風楚雨無時休。長者好義掘深隧。聚斂僵尸如編貝。新鬼喜向故鬼語。今我野死猶有土。嗟彼後來何處所。
慘不忍聞鄭圖田疏未必到此

其七

纍纍陌上子。飢驅無寧晷。驚聞鄉語一相訊。云住甓湖湖畔東阿里。殷勤語流民。慎勿他鄉徙。他鄉雖云樂。不如還鄉力耕作。飛鳥思故林。遊魚思故淵。况有

甓湖草堂近集

庚申雜詩

四

他鄉疫癘相烹煎。流民歸來許會須。慈母來哺

汝。

庚申春郵民就食蕪城罷賑之後死者日數百人萬子惻然哀之募同志吳子紫園輩給以糗

糧言于州守具百艘載之歸吾友喬東湖作流民歸以美之曰義聲感激激多同心須臾涸鮒沾深澤今讀此詩知其傷心民瘼久矣

五人墓

有明亂天紀。貂璫禍始烈。太阿手倒持。國勢成枳隍。東林諸君子。矢志清魏闕。徒手將虎鬚。精誠剖心血。一朝黨錮興。北寺蹈往轍。卓哉忠介公。朝野欽勁節。貝錦甫成章。朱絲忽傾軋。緹騎紛如雲。行將就羈縲。

群志生鬱紆。憤激腸空結。徒步者諸子。浩氣凌溟渤。
曰爾誅正人。焉用草間活。一麾五人俱。殺傷無寸鐵。
再麾鼠輩死。竄伏行蹙蹙。志決震澤傾。氣奮穹窿折。
我來瞻遺墓。英風颯凜冽。松柏絡蛛絲。大義中天揭。
陰雨集靈旗。縹緲青峯接。生傍專諸居。死近要離謁。
回首一長吟。精英迥未歇。

苦雨行

我家三十六湖曲。何來虎阜頻羈束。十日陰森迫不
開。千山風雨晦。平陸勢摧雷。霆裂天根怒。坼盤渦翻
甓湖草堂近集

庚申雜詩

五

地軸我憑高。閣欲涕流甓。社瘡痍忽在目。廿年水潦
民苦飢。充腸不獨歌。禾蒿三稜暮。掘平阿東石。屑朝
餐神居。麓昨聞府帖。徵丁糧十萬。驚魂頻躑躅。只今
淫雨苦不休。坐看疲黎飽魚腹。我欲繪圖圖難成。兀
對寒山空頻感。安得奮翮穹窿巔。振衣一嘯江天綠。

惔然生
民之感

錫山阻雨

錫山山下雨滯滌。蒼崖急溜苦不禁。飢鶴愁蹲古木
暗。瘦蛟潛舞沉潭陰。此鄉瀰漫頻到眼。故里飄蕩堪

驚心坐須。聖明蠲詔下。普天鳩鵲無哀吟。

過錫山懷馬雲翎同年

雲翎爲文忠公嫡孫

碧血孤忠後。文章有嗣音。斯人竟云歿。造化爾何心。
鸞鶴歸魂晚。水霜痛母深。母夫人以苦節成孤琴書誰復主。惆

悵錫山岑。

田家嘆

錫山作

田家六月苦陰霾。土銜荒烟溼不開。舊雨涔涔今雨
續。屋角傾欹相向哭。倉皇回語室中郎。有兒在牀須
扶將。俄頃屋塌橫西路。鷄狗奔竄不知處。但教骨肉

甕湖草堂近集

庚申雜詩

六

無折傷。羈棲曠野休。徬徨。

其二

人說田家苦。五月糴新穀。于今新穀委。洪濤稱貸完。
公那能足。奔波赤脚望。新禾秧針刺。水飛孤鶩歸。來
不言心苦。茶雙樹巷。前途里胥。

一結絕
妙樂府

其三

東南之賦。常苦偏東南。民力真可憐。養蠶作繭繭成。
熟方纔完。得官家粟。今年蠶荒粟不收。阿儂愁思空
束腹。密語耶娘須檢點。官租只合賣黃犢。安得詔蠲

今年糧團團骨肉相携將令人爭說周文襄

喜晴

積晨阻陰森行子慘不悅歸舟發江上曦光忽超越
蒼崖翳復吐松陰露清豁樹杪飛流泉泠泠濯山骨
我欲凌丹梯曠懷睇天末良苗翼清風懷新氣轉達
卽境聊自怡慰我腸如結

郵民謠

船入市

夏甲子後雨不休蛟龍疲頓如偃蹇高原白晝鬼呶

鏡湖草堂近集

庚申雜詩

七

啾官衙大舍飛鷓鴣驚濤入市舟楫流舟子招招不
可渡云向城頭移家住家無麥飯兒苦飢縱任城頭
活亦稀

烏啄肉

老烏啞啞城上呼飛啄人肉哺其雛嗟哉老烏何毒
荼洪水肆虐天吳趨魚鱉啗人如蝦蛆爾復啄之彼
無辜老烏答云爾何愚魚鱉啗人誠恣睢我不彼啄
彼豈蕪魚鱉何親我何疎老烏啼罷忽飛去腐腸已
掛城南樹

塞水門

淮堰頽。蛟怒爭。水門決。室廬傾。奔雷怒浪沉。吾民呼
蒼昊。竟不聞。叩良牧。司閭嘆。有客拯溺水。沒膺。謂虞橋先
生父。甲之日鼓。彭彭乙之日杵。登登官司。三老爭負。
薪水門。既塞。水患寧。不爾浩劫。同長平。
古雅真摯 似諶似諷

非時手所
能摹寫

屋上棲

鬼車乘霧東南行。荒村鵝鶴慘不鳴。奔崩忽聽秋原
哭。風雨三更捲茅屋。老魚鼓鬣市上遊。婦子束縛攀
鬢湖草堂近集
庚申雜詩
八
樹頭鳴。蹲屋脊。聊棲止。自古水災那若此。

遠別離

翩翩中林鳥。雄雌常比翼。人生一世間。所貴安儔匹。
借問夫婦何悲啼。頓足牽裳岐路西。洪波肆虐無糜
粥。此生那得全骨肉。鬻妻聊復活。斯須天涯去。住頻
躑躅。回頭涕泣語。故夫阿兒無乳須勤餉。

屠牛泣

老犢牽來向城陌。奏刀書然飛霹靂。纍纍斷肌投釜
中。以骨代薪薪不惜。煮豆燃箕古所嗟。誰料屠牛炊

牛骨少盡其力老殺身爲君辛苦亦何益

仁人
之言

流民集

吁嗟子遺無所食樹杪羈棲堤上立奔流射眼愁顛
危餐風宿雨無人色如彼破巢燕飛飛何時息如彼
斷根蓬飄飄奚終極忽聞憲府發金錢爲置蓆屋
盈湖千何異廣厦千萬間流民夜臥感還泣此生誰
料有安集

望哺

鴛鴦東北飛哀鳴思食苦濁浪蹴天秋風急鏹羽欲

甕湖草堂近集

庚申雜詩

九

棲還復舉我聞

君王心已作光明燭况有中丞旋玉軸念女劬勞

應哺女使女竈有炊薪益有粟蠲租請貸民樂康瞑
目溝渠願亦足

鄆民謠數首紀事如生風雨襍還
冥哭有聲非身歷其苦者不知也

陳烈婦

巧者婦陳氏蘇州塘村人年二十餘有殊色鄰

家惡少子窺之又從而挑之婦叱去夫暮歸婦

泣曰君宜亟徙不爾妾不知死所夫以貧故弗

徙也婦度夫終不徙則置刃于壁防惡少也亡

何夫出傭。至夜中惡少排籬入。婦覺之。憤甚。卽
舉刃相向。中惡少左股入。膚二寸餘。惡少創甚。
已奮不顧。奪婦刃。還刺之。婦不勝死之。嗚呼。彼
烈婦者。何人哉。巧者妻也。

冷冷太湖水。灼灼芙蓉姿。及時而採芳。托根豈不宜。
兩心樂相樂。歲月無乖違。東鄰誰家子。化爲豺與狸。
調笑凌戶牖。長嘆使心危。

秋胡行不
得尚美

其二

一日復一日。百卉歇芳馨。長跪向夫君。比鄰傷妾心。

覽湖草堂近集

庚申雜詩

十

妾心如明月。妾身如流星。流星易銷歇。明月無掩精。
燈昏背面泣。霜閨百憂侵。

其三

飛飛雙黃鳥。托身苦不高。一鳥向南山。鷲據其巢。
天寒星欲墮。四壁悲風驕。置妾乳上兒。出妾懷中刀。
吳鈞耀素雪。朱顏覆青髻。格鬪聲益急。頸血濺蓬蒿。
明月失耿光。流星如風燧。只今松楸畔。棲鳥不忍號。

贈白林九明府

昔有曹參氏。蓋公以爲師。清淨遵約束。寧一乖歌思。

禮樂卒不復。黃老安足希。我公秉明德。抱一宰機宜。
淡泊明素志。寧靜係安危。卓哉武鄉侯。千載有芳規。

其二

昨我遊廣陵。兵艦凌怒濤。萬夫閉空舍。木索遍衡茅。
今我歸故里。寂若無呌號。指揮旣已定。介冑不復驕。
牽挽誠不惜。毋乃我公勞。

貞鳥篇

貞女曹氏。泰州梁塚場人也。父存日。以女許字
同里孫繼芳。繼芳死。女守貞不嫁。晨昏母側者

璧湖草堂近集

庚申雜詩

十一

三十年。昭陽鄭君翔先生。年八十。扁舟造訪。爲
述其事。

東海有貞鳥。羽儀光徘徊。飛飛失其儔。痛絕肝腸摧。
長跪向阿母。故雄豈復來。願言從茲逝。阿母難爲懷。
恩勤傍母室。中心莽自哀。

平平敘事而
哀音動人

其二

日月倏已逝。戢翼南梁墅。東鄰有好鳥。翩翩會廳舉。
嗷嗷求其匹。阿母心自許。慷慨聚族謀。長號聽我語。
予心如明月。予身如飄雨。雨落不上天。月缺寧堪補。

其四

迫促向黃泉。阿母將焉取。衆鳥爭哀鳴。肺肝自茲吐。
海風吹我宇。飄搖靡處所。辛勤告卒瘁。羣族莫予侮。
予羽亦憔悴。予音亦激楚。予手亦拮据。予口亦茹苦。
母子相爲命。風雨靜環堵。至今東海畔。德輝耀儔侶。
素娥招我語。將子能復來。

覽湖草堂近集

庚申雜詩

主

十六夜對月

涼月出海嶠。翩然下我堂。麗彩猶未缺。華姿入曲房。
明璫垂素雪。玉鏡涵清霜。君子隔江沚。徒嗟天路長。
殷勤鑿疎髮。明媚生羅裳。空堦易成響。叢桂流素商。
願言寄天末。努力愛景光。

溫柔敦厚
詩家正則

十八夜對月

高館滅華燭。玉宇自昭回。攬衣延清景。松陰露半規。
迢遙升孤嶺。徘徊下層臺。絳綃卷清漢。疎星照丹崖。
氣煖影欲瀉。羅幃良已開。但念同門友。茲晨不克偕。

瑤琴鳴綺席。玉簫吹瓊階。何當天風發。流響入君懷。

題松林圖

平生愛向青山裏。十年泥跡空泥滓。高齋忽展松林圖。彷彿松風清我耳。一人高坐把道書。一人扶杖渡溪水。幽篁斜。憂。明月白。瑤草紛倚暮山紫。安得置身此圖中。與君把臂餐松子。

紫雲廢寺

扁舟繫纜來鹽瀆。古寺滄浪一水橫。碧瓦已隨塵劫盡。紫雲猶傍海天生。千村皓月涵初地。萬竈孤烟冷

覽湖菑堂近集

庚申雜詩

三

化城野望虛疑明佛火。霜棲鳩鵠倍關情。

飢民棲寺外

輓卞昭子

天意真難料。斯人竟殞年。孝友不可作。惆望空涕漣。篤行振頽俗。往籍苦鑽研。昨得考亭書。志在希聖賢。愧予多謬誤。勸君苦不堅。遂令無所成。歲時荒遺編。坐起一長嘆。落月松陰顛。

其二

日者歲在未。君深風木悲。經今甫二載。君與阿翁隨。兒欲魂依母。阿翁泉下悲。兒欲隨翁去。阿母心苦危。

去。任。既。兩。難。中。道。行。徘徊。回首。望。鄉。園。料。應。多。涕。淚。

贈趙天羽戶部

昔我登泰山。去天不盈尺。翹首日觀峯。徒然奮羽翮。
讀君登岱詩。響振中林石。日月羅心胸。烟雲生屐跡。
口餐白玉芝。手握金泥冊。披卷一長吟。冷然動心魂。
千載懷青蓮。大雅今不隔。詩似青蓮



曾孫洵牽子廷楨重校字

覽湖草堂近集

庚申雜詩

十四

千... 青蓮大雅今不隔

昔我登泰山。去天不盈尺。翹首日觀峯。徒然奮羽翮。

讀君登岱詩。響振中林石。日月羅心胸。烟雲生屐跡。

口餐白玉芝。手握金泥冊。披卷一長吟。冷然動心魂。

千載懷青蓮。大雅今不隔。

曾孫洵牽子廷楨重校字

